



Broj/Број: 01/7-50-1-7-2-40/06
Sarajevo/Сарајево: 18.9.2006.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
S A R A J E V O

PRIMLJENO: 03.11.06			
Organizaciona jedinica	Klasifikaciona oznaka	Redni broj	Broj priloga

ZAPISNIK

40. sjednice Administrativne komisije Predstavničkog doma Parlamentarne skupštine Bosne i Hercegovine, održane u zgradi institucija BiH 18.9.2006. godine, s početkom u 15.00 sati

PRISUTNI ČLANOVI KOMISIJE: Senija Kapetanović, Vinko Zorić, Ruža Sopta, Hazim Felić, Mubera Ušanović, Dušanka Majkić, Mladen Potočnik i Momčilo Novaković.

ODSUTNI ČLANOVI KOMISIJE: Jozo Križanović.

Četrdesetom sjednicom Administrativne komisije Predstavničkog doma Parlamentarne skupštine Bosne i Hercegovine predsjedavala je Senija Kapetanović, predsjedavajuća Administrativne komisije Predstavničkog doma Parlamentarne skupštine Bosne i Hercegovine.

Za sjednicu je predložen sljedeći

DNEVNI RED

1. Usvajanje Zapisnika 39. sjednice Administrativne komisije;
2. Donošenje Odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-17-3-19/06, od 21.6.2006. godine;
3. Razmatranje zahtjeva poslanika Jeline Đurković za odobrenje novčane naknade zbog teže bolesti člana njene porodice.

Četrdesetu sjednicu Administrativne komisije Predstavničkog doma Parlamentarne skupštine Bosne i Hercegovine otvorila je predsjedavajuća sjednicOM Senija Kapetanović, predložila dnevni red te pozvala prisutne članove Administrativne komisije da se izjasne o njemu, odnosno da daju primjedbe, prijedloge i sugestije.

S obzirom da nije bilo primjedbi i prijedloga za dopunu dnevnog reda, prisutni su jednoglasno usvojili dnevni red, te pristupili njegovom razmatranju po utvrđenim tačkama.

AD-1 Prisutni su jednoglasno, bez primjedbi, usvojili Zapisnik 39. sjednice Administrativne komisije Predstavničkog doma Parlamentarne skupštine Bosne i Hercegovine.

AD-2 Uvodno izlaganje o ovoj tački dnevnog reda dala je Senija Kapetanović. Prisutni su jednoglasno donijeli

ODLUKU

o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-17-3-19/06, od 21.06.2006.

Član 1.

U stavu 1. tačke XXV. Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-17-3-19/06, od 21.06.2006. godine, u drugom redu broj "šest" zamjenjuje se brojem "12".

Član 2.

Odluka stupa na snagu danom donošenja.

AD-3 Sekretar Komisije Davorka Čaplinski upoznala je prisutne sa zahtjevom poslanika Jeline Đurković i mišljenjem Fonda za penzijsko i invalidsko osiguranje Republike Srpske-Odjeljenje za ocjenu radne sposobnosti, broj: 01/7-50-1-7-1c-40/06, od 18.9.2006. Prisutni su sa 7 glasova ZA i 1 glasom SUZDRŽAN donijeli

ODLUKU

o dodjeli novčane pomoći

I.

Poslaniku Jelini Đurković, zbog teške bolesti člana njene uže porodice, dodjeljuje se novčana pomoć u iznosu od tri mjesečne plaće isplaćene u prethodna tri mjeseca.

II.

Za realizaciju ove odluke zadužuje se Kolegij Sekretarijata Parlamentarne skupštine Bosne i Hercegovine.


III.

Odluka stupa na snagu danom donošenja.

Nakon što je iscrpljen dnevni red, 40. sjednica Administrativne komisije Predstavničkog doma Parlamentarne skupštine Bosne i Hercegovine završena je u 15,05 sati.



Sekretar
Administrativne komisije
Davorka Čaplinski



Predsjedavajuća
Administrativne komisije
Senija Kapetanović